



五藩實錄卷上

桂藩

上



永明王諱由榔神宗之孫桂恭王常瀛第四子也常瀛最少與惠王常潤同李貴妃出萬厯二十九年冬十月己卯與福瑞惠三王俱受封四十二年福王先就國洛陽天啟七年瑞惠桂三王始各就國瑞國漢中惠國荊州桂國衡州地皆荒瘠而衡在江湖之表尤為僻

五藩實錄

桂藩上

一

革

遠常瀛靜守藩封號稱賢王正妃王氏貴人范氏以選侍孫氏妖媚見幸故王范俱不見答後數年選侍坐巫蠱事死王始親二宮生四子長次俱天崇禎十五年三子及四子皆冠會督撫題請發宗人府序名玉牒咨禮部會題冊封三子為安仁王四子為永明王十六年獻賊陷衡州蹂躪全楚桂王由永州入粵西得脫而世子官監宮人等阻永州浮橋

下賊悉擄之安仁永明俱禁永州衛以木押籠之令僞湖南道徐姓者督兵押赴衡陽僞道卽衡陽人壬午鄉薦也密啓王云臣係新科舉人爲賊所迫至此今幸臣起發王駕雖一面撥夫支吾預已遣報桂殿下自有兵來救駕又囑守者都司王有成毋令賊來驚擾徐亦問候日數次桂王旣脫走桂林卽密遣人偵視得僞道啟報遂謀諸征蠻將軍楊國

五藩實錄

桂藩上

二

革

威國威遣中軍焦璉飛調狼兵數千兼程而下

十二月復永州迎二王以出而賊兵復合璉負永明徒行一日覓肩輿入粵安仁亦免凡桂藩內外人等俱給路費送歸藩下而徐姓者已死於亂軍中竟失其名

獻賊知粵西有備乃毀桂邸木石至長沙建僞殿遂由楚入蜀

十七年春桂藩父子君臣相會於桂林廣西巡撫瞿式耜巡按鄭封總兵楊國威等會議桂藩係朝廷親王今遭賊難至此宜調處錢糧安置但桂林有靖藩不便同城唯梧州倉庫充實請王先行遷蹕就近支糧應餉然後會題請旨桂藩乃順流而下

六月始至梧州沿江安蹕文武咸朝忽報福王建國南都喜詔方到哀詔繼至及開讀宣言

五藩實錄

桂藩上

三

革

本年三月十九日流賊李自成陷京師大行皇帝殉社稷桂藩伏地大哭自辰至酉絕而復甦遂致疾八月薨於蒼梧葬於藤縣城北僭號興陵

守陵官每見五色雲覆之因啓賀且傳童謠云五色雲照王墳歸南土永自明

時藩府宮眷僚屬尙有千餘二王資囊已盡寅又卯糧猶不足用而安仁素殘刻凡永明衣

食所需仰給王兄恒缺一日安仁遣內使周明押衣篋四送永明舟中王大喜啓視皆赭黃袍別無可常御者王爲不懌周明前啓曰願王勿煩惱暫用收貯靜俟天命有歸自有服御之日

順治二年乙酉夏五月王師下江南六月唐王監國福州八月詔至桂林封永明爲桂王時靖江王亨嘉密與叅謀孫鼎金議以勤王爲

五藩實錄

桂藩上

四

革

鮮遍檄四方調集漢土官兵又強劫撫鎮三司瞿式耜于元燁張同厥鄭封及楊國威等初進監國表文諸臣力諫不聽又慮遲疑生變於是卽將藩衛及先至狼兵共萬餘人立諭藩府文武于靖江府臨朝稱賀是日加孫金鼎爲叅贊軍機大學士加叅贊嚴天鳳范友賢爲將軍總統左右前鋒留楊國威爲城守卽日誓衆興師由水路出平樂抵梧州殺

官刦庫于時桂府兩王舟泊梧江方在危急而廣督丁魁楚已飛奏閩中卽發兵西上梧江靖江見所調兵不至傍徨無計西兵小棹東師巨艦一鼓之間全軍喪沒魁楚傳令收兵恐驚桂府親來朝會

靖藩旣敗與嚴天鳳等十餘人駕小塘舟飛渡桂林堅壁不出令孫金鼎上潯州催兵應援及抵潯州遇叅將陳邦傳等奉調勤王率師

五藩實錄

桂藩上

五

革

東指邦傳與金鼎爲兒女姻金鼎以爲救援有人矣乃告以靖江敗狀邦傳宴之時叅畫胡執恭毛可求同席酒半邦傳起更衣招執恭進密室謂曰今者靖江無謀動取敗衄我等若少依違禍不旋踵矣幸金鼎自來送死乘此擒戮以邀大功何愁富貴耶計定復卽席謂金鼎曰今日之事大人知之乎金鼎曰已知之不必言再飲沈醉投金鼎于水邦傳

秘之取其屍擦灰包紮訖卽傳諭各兵艘悉改勦逆紅旗卽夕解功至梧州魁楚大喜委鎮征蠻將軍協同東師前定桂州臨城之日楊國威旗鼓焦璉者與國威不協乃登令所部縛國威及嚴天鳳等械送軍前囚至兩廣魁楚卽命傳赴福京後得旨嚴天鳳楊國威處斬貶靖江爲庶人安置廣東博羅縣未幾病死封邦傳富川伯晉焦璉都司使

五藩實錄

桂藩上

六

革

順治三年丙戌秋八月福州不守丁魁楚聞報密會湖督何騰蛟西撫瞿式耜巡按王化澄等議推監國而閣學兵部尙書呂大器自閩至原任兵部尙書李永茂以守制并至時安仁壬子九月病卒于梧式耜首言永明王賢且神宗嫡孫應立桂太妃王氏曰諸君子何患乎無君吾兒仁柔非撥亂才也願更擇可者魁楚等請之堅遂以十月十四日于衰經

中監國肇慶

推置僚屬魁楚大器爲大學士式耜以吏部右侍郎兼閣學掌銓事魁楚兼戎政大器兼中樞永茂請終制化澄以下皆晉爵

諡唐藩僞號曰思文

福京舊輔蘇觀生粵人也督師援贛贛破撤兵度嶺魁楚故與觀生有隙兼聞贛敗倉卒與司禮監王坤趨永明走梧避之式耜曰今日

五藩實錄

桂藩上

七

革

之立爲祖宗雪仇恥爲生民揆塗炭正宜奮大勇以號令遠近今強敵日迫東人復不靖苟自懦外棄門戶內豐蕭牆國何以立爭之不聽

已而觀生使給事陳邦彥勸進復回肇慶

十一月唐王弟聿鏢浮海至廣州觀生雖勸進終忌魁楚不願過肇慶竟回廣州適聿鏢至遂與舊輔何吾騶布政司顧元鏡總兵林察

等謀立之曰吾君之弟也乃僭位置六卿僞號紹武召海上鄭石馬徐四姓盜授總兵等官以拒肇慶

是月十八日永明亦僭卽尊位取藩封永字又以神宗孫取厯字改明年丁亥爲永厯元年以府署爲行在尊父桂王爲端皇帝太妃王氏爲孝正皇太后馬氏曰慈寧皇太后立妃王氏爲皇后大赦陞賞有差時論不立東殿

五藩實錄

桂藩上

八

革

不選宮人諸臣朝罷喜相謂曰鳳準龍顏果中興主也不設東殿宮人可謂美政之始

加魁楚兵部尙書式耜吏部尙書並東閣大學士封潯梧總兵李明忠武靖伯

太妃復召對諸臣論曰今朱家皇帝僅存此一線纘承大統願諸先生盡忠竭力相輔助之文武拜謝

遣給事中彭耀赴廣諭觀生被殺廣州進兵至

三水永明乃以兵部侍郎林佳鼎督總兵李
明忠龍倫蘇聘等禦之佳鼎故粵中監司與
林察同姓相善察使四姓盜詐降迎佳鼎佳
鼎信之舟至三山口亂作全軍俱沒佳鼎赴
水死肇慶大震

式耜疏言草昧之初惟養聖德修紀綱慎政教
挽人心布威武起用人望招徠賢俊爲首務

王坤者舊北闕自南都失而入閩唐王遣出乃

五藩實錄

桂藩上

九

革

入肇慶秉筆司禮監

內批改戶部郎中周鼎瀚爲給事中式耜力言
不可不聽

呂大器以病辭入蜀

內批陞粵巡使王化澄爲大司馬式耜疏言化
澄誠賢有廷論斜封墨敕何可爲例請補部

疏尙得體

晉李永茂大學士知經筵不入直疏薦十五人

爲十五省鄉望疏上王坤啓視不悅未幾十
四人皆誅之山西道御史劉湘客獨斥永茂怫
然曰朝廷方以經筵責茂茂以十五省人進
非私也斥湘客者斥茂也卽日解舟去式耜
疏言大臣論薦新朝盛事司禮輒去取其間
無以服御史何以安大臣

王坤復疏薦海內碩卿數十人式耜又言曰司
禮抑人不可薦人更不可

五藩實錄

桂藩上

十

革

吏科給事劉鼐等疏論坤內臣不得薦人永明
怒叱逐鼐等式耜力持之得復用

十二月王師由閩趨潮惠俱下之潛師襲廣州
望日唐王方視學警報至觀生叱曰潮州公
文昨夕到兵何自來耶王師先以數騎抵東
郭門守門者猶以爲招徠海上盜也呼問之
比覺而城不及閉先鋒入反據城以引外騎
執聿鏗觀生自縊祭酒梁朝鍾太僕卿霍子

衡等死之聿鑲與周益遼二十四王顧元鏡
何吾騶降二十五日報至肇慶瞿式耜請守
峽口司禮王坤趨永明西避之式耜夜棹小
舟雷駕曰我兵水陸梟至三水可上下搯也
爭之不得請身留肇慶宗人府朱容藩曰左
右所恃惟式耜一人式耜畱守上行益孤亦
不許永明遂駕小舟上西峽走梧州丁魁楚
以朱治憫爲總制守肇慶

五藩實錄

桂藩上

十一

革

順治四年下亥正月李成棟分兵徇南韶自率
兵向肇慶永明由桐州北走平樂而魁楚惑
于奸弁蘇聘從桐西走岑溪式耜隨行而妾
媵衆多逗遛梧江惟大司馬王化澄戶部尙
書吳炳翰林方以智文選郎吳貞毓給事中
唐鉞御史程源中書吳其靄洪士彭掌錦衣
衛馬吉翔扈蹕

李成棟入肇慶朱治憫走治憫字子晦浙人也

川文安之雲南王錫衮爲相周堪賡郭都賢
劉遠生等爲六卿丁時魁金堡等爲給事

晉騰蛟閣部督師是時孫可望方由川貴入雲
京安之錫衮以道阻不能達

丁魁楚之去梧也以三百餘艘載黃金二十萬
兩曰金二百四十餘萬兩方至岑溪成棟追
及之戰于藤江魁楚被殺闔門盡沒

王師入平樂陳邦傳棄城走南寧永明聞報大

五藩實錄

桂藩上

十一

革

怒王坤請召武岡鎮劉承胤入援藉之赴楚
承胤聞召卽統兵至全州迎駕封承胤安國
公

式耜上疏曰駕不幸楚楚師得以展布自有出

楚之期茲半年之內三四播遷民心兵心狐

疑局促如飛瓦翻手散而覆手合又在粵而

粵存去粵而粵危我進一步則人亦進一步

我去速一日則人來亦速一日楚不可遽往

舉鄉試有文譽崇禎時爲肇慶同知驟陞此
職至是薙髮云

成棟別遣副將楊大福張月等取高雷廉三郡
二十九日成棟入梧州巡撫曹燁降失是蒼
梧令萬思夔作一木龜令人牽之號於路曰
降敵者似此及王師薄梧巡撫曹燁以春秋
得雋者也因輿視肉袒牽羊以迎曰燁不知
天不早事君使君懷怒以及下邑燁之罪也

五藩實錄

桂藩上

十三

革

若以罪不赦俘諸軍門亦唯命若惠邀天之
福苟保首領使得是所君之惠也卽涕泣不
敢仰視成棟笑而受之釋其縛焚其觀兵入
梧州萬思夔大書曹燁姓名於木龜背置堂
中遂遁

二月永明入桂林以吳炳方以智爲東閣大學
士遣使湖南慰勞督師定興侯何騰蛟等并
趣其兵入衛是月式耜至自梧州疏請徵四

粵不可輕棄今日勿遠往則往也易今日若
輕棄則更入也難海內幅員此止一隅以全
盛視粵西則一隅似小就粵西恢中原則一
隅甚大若棄而不守愚者亦知拱手送矣不
聽又泣請曰東藩已失所存惟桂一隅若復
委而去之武岡雖金城湯池何能長久臣本
起此以舉事願與此地俱存亡乃命式耜留
守桂林各路悉稟節制

五藩實錄

桂藩上

五

草

封總兵焦璉富川伯鎮桂封舊鎮陳邦傳思恩
侯守昭平

永明發桂林三月薄桂林式耜檄總兵焦璉璉
駐別縣黃沙鎮聞檄卽率三百騎赴救時山
水泛溢士卒徒涉百里水及馬腹臨江無舟
搜邨中得漁舟二艇士卒以次渡畢璉乃渡
初十日薄暮抵式耜府式耜歡甚拊其背而勞
之如家人父子

翌日王師數萬猝至數十騎直突文昌門登城樓式耜署在城樓下矢及式耜綸巾式耜呼璉璉卽袒臂控弦自下射之一騎顛連發數矢敵應弦而倒數十騎乃下短兵接戰璉復殺數人時城門閉餘騎復登城挾馬越城而下奔還大軍璉卽啓門而出麾三百騎大呼直貫其營左右衝突所向披靡自寅三千斬首數千級王師復合璉又大呼殺入軍士無不以一當百呼聲震天戈刃所及血雨肉飛式耜率士民擊金從之以助軍威王師大奔璉復追殺數里王師乃退

五藩實錄

桂藩上

五

革

初承胤之從武岡入援也猶尊朝廷持正守法逐司禮王坤爲竊天子權面叱周鼎瀚爲奉寺鼻息雅重式耜特發兵數千援桂旣而承胤請以金吾郭承昊馬吉祥嚴雲從封伯御史毛壽登參駁之吉祥等疑疏出劉湘客指

鼎遂造飛語爲董卓灌犯之議激承胤怒逼
永明立命廷杖縛壽登湘客及御史吳德操
給事萬六吉于行在午門外諸臣申救得免
壽登等俱落職承胤益橫脅永明幸武岡式
耜疏請畱蹕全陽以捥楚粵之中不聽

四月永明至武岡改爲奉天府以巡道嚴起恒
爲大學士

廣督何騰蛟招撫流寇曹志建王朝俊郝永忠

五藩實錄

桂藩上

六

軍

等來歸悉賜五等爵晉騰蛟總制世襲定興
侯駐衡州巡撫堵胤錫駐常沙聲勢稍振

五月承胤援兵在桂索餉而譁式耜括庫藏不
足夫人邵捐簪珥以佐之兵卒不肯出與焦
兵主客不和擊鬪掠市而去

是時定南王孔有德靖南王耿仲茂平南王尙
可喜統兵取湖南進攻桂林焦璉負創奮臂
督師撫按肘羽腹石分門嬰守用西洋銃擊

馬騎王師稍卻乃出城奮擊自辰至午不及
餐將士枵腹式耜括署中米蒸飯分哺之將
士俱樂用命明日復出戰王師旋去式耜先
令路將馬之驥伏于隔江犄角接應王師北
追殺二十里而還孔有德敗走望虞山樹木
皆以爲金甲天神幾爲焦兵所及
余龍者故江上盜也有衆萬餘受顛督萬元吉
招撫及顛破龍等無所歸出沒甘竹灘

五藩實錄

桂藩上

七

革

既而廣州陷東莞人癸未進士侍讀張家玉舉
人韓如璜等起兵攻東莞是年春佟養甲素
聞家玉名遣副使張元琳卽家召之家玉衣
冠出見責元琳以大義元琳固與家玉同爲
癸未庶常者也歸報養甲復飛書諭之家玉
答書曰孔門高弟太祖孤臣如玉其人者安
可以不賢之招招乎生殺榮辱惟公所命其
師林存力贊之遂結鄉勇何不凡莫子元等

襲東莞入之執新令鄭流金籍降紳李覺斯家犒士成棟率水陸師至家玉棄城走以舟師屯杜深村村近新安北令走家玉令諸生陳太赤領縣事兵部給事陳邦彥招余龍等起兵邦彥字岩野順德人乙酉間以諸生走金陵上政要三十二策權奸阻不用唐王得其策讀而偉之至閩卽家授監紀推官而邦彥亦登是科賢書以蘇觀生薦改兵部職方

五藩實錄

桂藩上

十六

革

主事監廣西狼兵至嶺聞變勸觀生東保潮惠不聽丁魁楚立永明于肇慶觀生與魁楚不協撤兵回韶使邦彥赴肇稱賀且覘動靜授邦彥兵科給事令回慰觀生而觀生已擁立唐王聿錫邦彥貽書報命遂隱高明山中未幾廣州破肇梧繼陷將至平樂邦彥聞之扁舟入甘竹灘說余龍乘虛襲廣州龍許之乃焚北船百餘于東莞遂突廣州邦彥使其

門人馬應房與龍攻順德復之又與張家玉書曰成不成天也敵不敵勢也方今王師風鶴桂林累卵得牽制粵西潯平之間庶可完葺是我致力于此而收功于彼也佟養甲訪求其家獲其妾何氏并子和尹虞尹于肇慶厚待之爲書招邦彥邦彥不復書但判其楮尾曰妾辱之子殺之身爲死臣義不私妻子也養甲壯其志爲人仍養妾與二子後郡紳

五藩實錄

桂藩上

九

革

李星一舉人杜璜以兵攻肇慶始殺之璜等亦戰死李成棟至順德破余龍于黃達江馬應房迎戰死之當時王師東指不能復西由是桂林稍定

式耜自三月至五月曉夜立矢石中推食解衣與士卒同甘苦故人無變志又焦璉久將桂得桂人心式耜以國士遇之獨得其死力璉乘勝復陽朔再下平樂

懷集縣丞徐定國向匿山中誓不薙髮及是引
兵復懷集御史魯可藻督師復富川及賀縣
引兵與焦璉會平樂陳邦傳亦由賓柳入潯
州王師引還廣州遂復梧粵西再定式耜力
也以保桂功晉式耜兼太子太師臨桂世伯
式耜辭曰本朝封拜文臣自王威寧王新建
外指不多屈或憐臣死守孤城謂省會無虞
不妨破格以行鼓勵其如貽笑四方何不拜

五藩實錄

桂藩上

三

革

晉張家玉兵部尙書提督嶺表軍務以魯可藻
巡撫廣西可藻和州人以明經令新城政最
擢御史式耜敘軍功特拜是職

式耜復請告自劾曰自二月十五日移躡之後
以迄五月二十九日凡百有六日矣此百六
日中遇變者三皆極危險萬死無一生之望
者變故當前總辦一死字亦遂不生恐怖不
起愁煩惟是臣之病不徒在身而在心不徒

在形而在神身與形之病可療也心與神之病不可醫也又曰臣所依恃者皇上皇上駐全猶有見天之日駕既幸武臣復何望請再返蹕全陽不聽

六月偏沅巡撫陳蓋率滇營標將趙應選胡一清入覲晉應選一清都督少保各謝恩率兵還汛

時王師破杜溶村韓如璜死之

五藩實錄

桂藩上

三

革

家玉引兵入新安成棟園之家玉走博羅

七月前大學士陳子壯起兵于九江村與陳邦彥結降北廣州衛指揮摩楊可觀楊景燁爲內應又收花山盜三千人僞降王師以守東門約以是月七日三鼓內外並起而子壯先期以五日舟師薄城謀洩佟養甲捕楊可觀等誅之并坑花山盜之守東門者

時城內兵力單弱養甲登城見旌旗蔽江歎曰

其死於是乎左右曰與坐而死寧戰而死養
甲奮勇出戰發巨礮以擊陳舟舟遂退北風
大作養甲乘風追之子壯大敗于白鵝潭李
成棟亦自新安至子壯退入高明與監軍道
麥而炫縣令朱實蓮嬰城固守邦彥亦退會
清遠指揮白常燦殺守道于華玉知縣章應
斗以迎邦彥邦彥率師赴之張家玉亦破傅
羅

五藩實錄

桂藩上

三

革

初劉承胤號錢棍擁重兵頗建間及迎鑾遂與
中人迫脇朝廷太妃刺血書詔召駐札商丘
伯侯性入衛性遣部將謝復榮以五百人至
式耜具疏上言粵西全定請還桂林昭告興
陵時三王已定長沙衡州且陷八月進逼武
岡承胤戀子女玉帛惟恐失之遂降爲王師

前導

十八日馬吉翔謝復榮奉永明及三宮斬關而

出永明二子在襁褓并乳母樊氏墮馬失之
百官俱未知也吉翔步從三日不得食至一
士人家見其中堂供神宗像與永明貌類永
明且拜且泣士人夜夢有天神降其家諸天
人悉從有二學士侍側一髯而魁梧者曰此
蘇學士軾也一秀而瘦傑者曰此李山人泌
也士人師方以智貌類山人士人奇之寤因
自揣曰居中南嚮坐者豈當今耶跪而進饌

五藩實錄

桂藩上

三

革

永明受之大駭復前行村民皆獻雞黍土司
車祐戎服具卒乘以迎獻黃金刀永明皆慰
勞之承胤引兵追躡且懸牌諭內外有知永
明所向者賞萬金時永明與承胤相距二里
復榮請永明疾馳而身自斷後抵死力戰與
其卒五百人俱死王家堡永明徒步三十里
足疲不能前危在漏刻會侯性率兵奄至乃
御肩輿先發性至峽口王師引去永明已兼

晝夜不食暮宿羅家店越五日抵古泥封性
祥符侯

府臣吳炳以疴疾畱武岡被逼薙髮兵部尙書
傅作霖見獲不屈械項遊營遇內閣吳炳乘
轎來作霖謂炳曰爾做內閣耶何不識廉恥
至此炳歸自縊

永明崎嶇入粵次柳州式耜屢疏極言不可他
移一步滇黔地荒勢隔忠義心渙三百年之

五藩實錄

桂藩上

五

革

土地僅存粵西一綫返蹕收復號召聯絡粵
師出粵以恢江贛楚師出楚以取武荆且粵
西山川形勝兵馬人情俱有可恃年時豐稔
飛輓有資永明三敕畱守不赴李成棟用四
姓盜鄭昌等爲道破高明殺朱實蓮于南門
樓陳子壯麥而炫被執

二十七日成棟圍博羅穴地置礮轟發之雞鳴
城陷張家玉走家玉幼好擊劍任俠多結山

澤之豪故所至翕然蹶而復起至是分其衆
列龍虎犀象四營進攻增城入之九月十日
成棟救增城家玉列三營于城外成棟令杜
永和閏可義分攻之城中亦突圍出戰將士
死者數千人無降者諸請血戰潰圍而出家
玉曰矢盡礮裂欲戰無具將傷出卒死欲戰
無人必俱受縛矣丈夫立天常犯大難事至
已壞焉用徘徊以頸血濺敵手哉因起徧拜

五藩實錄

桂藩上

五

革

諸將自投野塘中以死懷銀章一篆曰正大
光明閩賜也時年三十有三官軍得其屍集
諸神視之李覺斯再拜賀曰是已某知其齒
缺以銀鑲之髮長可二尺三寸今果然死無
疑矣然家玉父兆龍弟家珍仍爲人所匿覺
斯不得踪跡也家玉常乘黃馬神駿趨疾每
臨陣風沙慘淡作勢怒鳴以鼓士氣及家玉
死馬亦躑死溪水側云

成棟又以水陸師二萬爭清遠城破陳邦傳彥
猶率兵巷戰力屈索筆題其壁曰無權無勇
何餉何兵聯絡山海喋血會城天命不祐禍
患是攖千秋而下鑒此孤貞遂赴水北兵出
之檻送廣州在獄不食五日惟慷慨賦咏所
傳有大造于多艱時哉不我與我后子何之
我躬分良苦之句十月二十八日被磔監視
者視其肝肝忽躍起擊監者面遂驚悸數日

五藩實錄

桂藩上

三

革

死逾年贈兵部尙書子恭尹能以詩文世其
業

陳子壯至廣州臨刑呼高皇帝烈皇帝不絕口
與麥而炫同日死與市子上圖亦見獲其家
僮伯卿請寸斬以贖主人之孤得免死是日
佟養甲命何吾騶黃士俊李覺斯葉廷祚王
應華伍瑞隆閩捷先陳世傑等觀之養甲問
諸降紳曰畏否皆鞠躬曰畏亦有改容詫曰

眞忠臣眞忠臣

承肩旣降北兵利其貲佯與歡飲遂殺之

時長衡旣失何騰蛟嚴起恒劉湘客咸至桂郝
永忠廬鼎諸鎮兵雲集式耜調和主兵撫慰
有加籌畫糧糗日不暇給復疏言柳州徭獞
襍處地瘠民貧不可久駐慶遠壤鄰黔蜀南
寧地逼交夷不可遠幸爾來將士瞻雲望日
以桂林爲杓樞道路臣僚疲趺重繭秋桂林

五藩實錄

桂藩上

七

革

爲會極江楚民情以桂林爲拯救之聲援騰
蛟與永忠鼎璉等俱分防任汎可圖恢復不
聽初土司覃遇春從騰蛟于楚潰歸入桂林
陳兵索餉騰蛟式耜俱惡之比至柳守道龍
文明承督撫密檄佯與遇春飲解其部曲執
遇春送桂林誅之永明至古泥遇春子鳴珂
訴冤從行者倉皇未詳其始末對以不知鳴
珂率諸苗攻文文明走遂入柳州大掠矢

及永明之舟柳遂陷

永明倉皇跋涉亦如出武岡時是月陳邦傳子曾禹以二千人送駕遂次象州

十一月式耜集郝永忠焦璉誓于神前刻期出師廬鼎趙應選分路駐兵轉餉不絕督師何騰蛟得展武略攻三王之兵于全州斬級無算獲名馬駱駝而還諸帥連營而軍如天津關閣道亘三百里王師去楚永明欲幸南寧

五藩實錄

桂藩上

三

革

爲新興侯焦璉亂兵所阻

十二月永明入桂林式耜與起恒並相式耜黎明入閣夜分始歸處流極之運肅然如治朝騰蛟仍督師出全州

順治五年戊子正月郝永忠出壁興安永忠闖賊左營也前在桂林與焦兵不相能式耜調和之始得其用及壁新安有江西進士蕭琦式耜令永豐時所得士也爲人僉壬以禮垣

驟騎司馬時居永忠營百計媚之遂言桂林
富饒宜守殷厚趣永忠赴闕因聲言王師劫
營卽撤兵西上二月二十二日郝兵抵桂左
右趣永明遷蹕式耜曰不可督師警報未至
營夜驚無大恐二百里外風塵而遽使駕露
處耶播遷無寧日國勢愈弱兵氣愈難振民
心皇皇復何依潮回波逝雖長年三幸能逆
挽其敵哉左右禁近益局張不止式耜請

五藩實錄

桂藩上

五

革

曰無已候督師歸臬急甲士正小立觀兵督
戰咫尺威嚴勸激將士背城借一勝敗未知
若以走爲策桂城危柳又不危乎彼今日可
到桂明日獨不可到爾大乎反覆數百言永
明言卿不過欲朕死社稷耳式耜泣下沾衣
嚴起恒曰遲至厥明且議之是夜永忠斬關
而入劫永明于寢裸體置之城外馬吉祥爲
永明具袍服襪被而行永明乃縛百官刳其

賫財縱兵淫掠焦璉遣人謂式耜曰強敵外逼奸究內鬪勢不兩全願移師三桂保公出城駐兵城外俟永忠城中乏食必外掠卽統兵四而擊殺不過數日而賊兵可盡然後以全爲保障以梧爲門戶協力守粵事可萬全式耜以洽兵相攻恐傷百姓且虞敵騎擣虛不聽

時永明早發式耜疾出送駕永明卽以數十兵

五藩實錄

桂藩上

三

革

遮式耜車入掠其署百姓奮義擊賊俱爲殺傷式耜家人假以何督師令箭救式耜家屬得出式耜裸體坐署中持令箭者逼式耜登舟城中煙火高于樓櫓式耜家人放舟三里樟木港黎明少司寇劉遠生等至抵漳木港式耜已兼晝夜不飲食唯歎息不及送駕身不能死桂署爲恨遠生等謂兵變倉卒急難著手請下朔平間催理入援發檄遠近毋內

恐檄地方紳士毋驚疑雜髮檄一吏入桂息
烟火收倉儲毋爲亂人所盜式耜然之舟下
三十里豆市井人民屋立草檄分路四發明
日式耜乘小艇返桂城下俾會城人知留守
在也仍回駐陽朔璉兵續上楚鎮周金湯熊
兆佐亦入桂城式耜檄按察司僉事邵之驤
部璉兵收視倉中餘米定人心三月一日式
耜還桂署廡舍零落滿城暴骨唯烟火中燭
炙氣耳式耜令軍悉屯官舍灑除街路其從
官被掠如寡人者漸周給之太常黃太玄死
於兵棺殮之撫順荒餘收拾破傷招徠撫字
桂城始有人跡

何騰蛟方犒軍永寧聞變馳回而郝兵已飽掠
避去滇鎮胡一清新興侯焦璉俱統兵相繼
而至日需粟米數百石式耜燃髮爪辦之軍
復大振

五藩實錄

桂藩上

三

革

王師聞桂城兵變二十二日直抵北門式耜慰
勞軍士勉以忠義騰蛟督將校分師三門而
出胡一清統滇兵從文昌門周金湯熊兆佐
統楚兵從榕樹門督師及焦璉從北門戰未
合璉卽奮臂顧左右曰璉爲諸君破之單騎
橫矛直奔王師左右衝擊勢若游龍王師合
而復散者數撫粵將軍劉起蛟見璉被陷大
呼殺人與焦璉合連殺數百人貫其營而出

五藩實錄

桂藩上

三

革

胡一清從東至督師撫其臂曰兒好爲我破
之一清卽躍馬奮擊殺數十人奪敵馬而馳
一清每乘馬必剪其鬃王師意爲牛遇之輒
曰此騎牛蠻子不易當也胡與焦合兵轉鬪
而前金湯兆佐率楚兵橫擊之璉標下趙興
白貴帥銳師夾擊皆殊死戰白貴戰死王師
遂奔追殺二十里北渡甘棠而去式耜待於
北門督師還交相勞苦督師乃列營榕江諸

師分兩路而軍

當永明發桂林式耜獨處孤城已而頻傳凶問
永明每歛歔下淚至是式耜上疏詣行在候
駕及三宮起居永明乃大喜知畱守在也下
璽書旌美遣官慰視憔悴狀式耜寸縷無遺
賜紗緞及尙方銀兩并賜精忠貫日金章以
表其忠太妃賜紗緞尙方銀與夫人邵復進
式耜少師臨桂伯璉等皆晉爵式耜恤死事

五藩實錄

桂藩上

三

革

軍士家爲壇祭之焚白貴屍得箭鏃數升人
皆駭曰此楊貴後身也

是月永明至南寧扈蹕者輔臣嚴起恒馬吉祥
兵部蕭琦給事吳其雷洪士彭許兆進尹三
聘六七人而已潯柳二府爲陳邦傳所據不
貢賦稅資用乏絕嚴起恒乃署吏部關選于
邕城二十四縣三州鹽客藥戶皆入仕籍式
耜念南寧蠻鄉不可久駐日爲永明清輦道

請還桂督勦鎮將士直取全州會東人有反
歸信促巡撫魯可藻繕兵以待又念行在無
講官經筵久曠石室塵封何由聞得失手書
八箴于扇進之趙臺者順天人錦衣籍以武
職改文階陞南寧添設巡撫有才幹能得土
司心會有湖州人胡執恭爲吏部當該在先
帝時陳邦傳因入京襲職與執恭有舊旣而
執恭至廣西入南寧邦傳子曾禹因迎駕得
預票擬時下敕有拜君之賜于無窮句遠近
笑之曾禹欲得南寧執恭佐之臺不讓于是
陳趙治兵相攻

金聲恒王德仁以江西來歸初聲恒本遼陽衛
襲世職以邊咨厯楊嗣昌史可法諸部累官
淮徐總兵尋隸左良玉後隊

順治乙酉四月左兵東下以江西屬聲恒旣而
良玉死其養子夢庚率所部降而聲恒不願

五藩實錄

桂藩上

書

革

東下北行乃自請願取江西以獻英王許之
遂以江西專委聲恒還師南向與闖部降將
王體忠合營西屯九江聲恒宣言王師馬步
二十餘萬旦夕且至迭檄江西速降卽免屠
城巡撫曠昭解印而逃江城人皆走至是年
六月四日紳士及諸亡命迎聲恒于九江十
九日聲恒至有諸生數十迎于江千聲恒戴
方巾青紗金線蝴蝶披風受諸生延叅于舟
前廷叅者初見卽跪跪已起揖乃拜復起揖
再拜而止聲恒故武人被輕衫受文謁喜殊
不自勝左右顧從者當如何答禮且笑且樞
引諸生起口中謙讓喃喃有所云而無其辭
頰涎墜縮如禪諸生及從官皆自笑之聲恒
恐內有伏兵徘徊久之乃入城

體忠忿江城人擁迎謁聲恒也則與金氏分營
而居城以東者爲王城以西者爲金所居當

都會喧闐處官府田第萃焉其偏裨姻族又分据華劇網羅諸富豪略盡以便宜署置官屬陰忌王氏士馬精強亦不大誅掠漸得人
心欲遂除之未有以發會薙髮令至齋文者聲恒之叔也令下三日未有應者聲恒曰此
王兵爲梗也明日請體忠計事卽其揖時刺之屍出王兵大擾燒德勝門及章江門與諸
金格鬪三日殺傷相當聲恒且戰且招以王

五藩實錄

桂藩上

三

革

兵屬體忠舊掌旗牌王得仁軍中所謂王雜毛者也聲恒念江西據江南上游西控楚南通閩廣得江西則東南要害居其大半而身以孤軍傳檄取十三府七十二州縣數千里地拱手歸之新朝計王師南下以來功未有高子已者意且夕且封王次亦不失爲侯耳及收江西疏還乃止以聲恒爲副總兵提督江西軍事視原秩更貶于是聲恒氣沮

是時閩中僭號以陽延麟為相督師取江西
元吉為兵部尙書督師至贛州

五藩實錄

桂藩上

三七

革



